

# Kontuola

ANTZUOLA / Egubakoitza / 2004eko maiatzaren 7a / 201. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

## Durango-Zumarraga trenbidearen gaineko erakusketa eta berbaldia

AINZANE IRIZAR


Eguenean, hilak 13, Durango-Zumarraga trenbidearen gaineko berbaldia egingo du Juanjo Olaizolak. Hurrengo bi asteburuetan, berriz, trenbide horren gaineko erakusketa jarriko dute Olanaren: argazkiak, dokumentuak eta beste-lako material ugari egongo da.

Azpeitiko Trenbidearen Euskal Museoko zuzendari Juanjo Olaizolak berbaldia egingo du Durango-Zumarraga trenbidearen gainean. Eguenean, hilak 13, izango da hori, Olanaren etxean, 19:00etan.

Eguenean bertan, trenbide horren gaineko erakusketa inauguratuko dute, eta zabalik egongo da hurrengo bi asteburuetan: maiatzaren 15ean eta 16an, eta hilaren 22an eta 23an, hain zuzen.

### MATERIAL UGARI IKUSGAI

Trenarekin eta trenbidearekin lotutako era guztietako materiala egongo da ikusgai erakusketan. Material gehiena Azpeitiko Trenaren Euskal Museotik ekarriko dute. Beste hainbat argazki eta



1971. urtean ateratako argazkia; urte hartan bertan egin zuen azkeneko bidaia Durango-Zumarraga trenak.

dokumentu, berriz, hainbat herri-tarrek lagatakoak dira.

Besteak beste, ikusgai egongo dira honako hauek: bidaia-

rien txartelak, lokomotora egileen plakak, azkeneko bidaiako txartelak eta ordutegiaren taula bat. Bestalde, ikus-entzunezko

bat ere ikusi ahal izango da; Agustín Lete eta Bittori Lezeta herri-tarren laguntzarekin prestatu dute bideo hori.

## UDALA

### Udal Etxegintzaren etxeak eman dituzte

AINZANE IRIZAR

Aurreko asteko egunean eman zizkieten Udalak bultzatutako etxebizitzaren jabekide batzuei euren etxebizitzetako giltzak. Gainerakoek datozen egunotan sinatuko dituzte eskriturak.

Gauzak horrela, Udalak bultzatutako beste hamasei etxebizitza bukatu dituzte, eta 48 dira dagoeneko Udal Etxegintzak egin dituen etxebizitzak.

Udalaren helburua etxebizitza horiek bultzatuta zera da: herriko gazteei herrian bertan gartzeko aukera eskaintzea, eta aukera hori merkatuan dauden etxe-

bizitzena baino merkeagoa izatea. Horrela, bigarren helburua zen merkatu librean saltzen diren etxebizitzaren prezioa ere baldintzatzea eta ez igotzea.

### BESTE 20 ETXEBIZITZA

Bestalde, aipatzekoa da Udalak beste 20 etxebizitza egiteko asmoa duela. Horixe aurreratu zuen Jose Angel Zabalo alkateak GOITBko Herriz herri saioan.

Beheko auzoan, maristen eraikina zegoen tokian, Gizarte Etxea egiteaz gain, etxebizitzak ere egiteko asmoa dute. Horietako etxebizitza batzuk Udalak bultzatutakoak izango dira.



Beste hamasei etxebizitza egin ditu Udalak Sagasti auzoan.

## LABUR

### Antzerki emanaldia gaur, egubakoitza

Emakume Ausartak antzerki taldeak, *Un busto al cuerpo* antzezlan eskainiko du gaur, egubakoitza. Gaueko hamarretan izango da emanaldia. Herri Ikastetxeko aretoan. Hainbat belaunalditako hiru emakumek euren gorputzarekin dituzten gorabeherak kontatuko dituzte.

### Autoestimazioaren gaineko hitzaldia egunean, hilak 13

Antzuolako erretiratuek autoestimazioaren gaineko berbaldia antolatuko dute datorren asteko. Xabier Arrazola mediku ezagunak berba egingo du norberaren buruari izan behar zaion estimazioaren gainean. Olanaren etxean izango da berbaldia, maiatzaren 13an, eguna, 17:30ean.

### Garitano bosgarren Gorbeia mendiko lasterketan

Julen Garitano korrikalari antzuolarra bosgarren sailkatu zen Gorbeia mendiko lasterketan, zapatu goizean. Maiatzaren 23an jokatu duen Aizkorriko mendiko maratoian parte hartzeko asmoa dauka Julenek, eta lasterketa horixe prestatzen dihardu momentu honetan.


### Aritz Berraondo finalera pasatu da, Leitzari irabazita

Iñigo Leitzari 22-17 irabazita, bigarren mailako eskuz baxakako finalerako sailkatu da Aritz Berraondo. Bi aste barru, maiatzaren 15ean, jokatu du finala, Galartza V.aren aurka. Oraindik ez dute zehaztu non izango den partidua. Berraondok bigarren mailan jokatu duen hirugarren finala izango da.



## ELKARRIZKETA

JOSEBA LAMARIANO/SUKALDARIA

*"Ikastaroa sukaldean ibiltzera ohituta ez dagoen jendeari zuzenduta dago"*

AINTZANE IRIZAR

**I**dolaz euskara elkarteak antolatuta, sukaldaritzak ikastaroa eskainiko du Josebak, hil bukaeran. Maiatzaren 11n eta 12an eman behar da izena, udaletxean edo liburutegian. Ikastaroaren gainean berba egin dugu irakaslearekin.

**Zer ikasi ahal izango dute ikastaro honetan parte hartzen dutenek?**

Ikastaroa hiru eguneko izango da, maiatzaren 25etik 27ra; lehenengo egunean, entsaladak egingo ditugu, entsalada epelak eta hotzak; arrainarekin, ahatearekin...

Bigarren egunean pastarekin egindako platerak egiten ikasiko dugu: kaneloiak, lasagna, espinakak gainerretara...

Hirugarren egunerako, berriz, ez dugu ezer pentsatu; aurreko bi egunetan, denon artean erabakiko dugu ikastaroko azkeneko eguna zela antolatu.

**Zeini zuzenduta dago ikastaroa?**

Batez ere, jende gazteari, sukaldean ibiltzera ohituta ez dagoen jendeari; hala ere, askotan gertatzen da sukaldaritzarekiko zaletasuna dutenak etortzen direla horrelako ikastaroetara.

**Behar besteko arreta jartzen diogu jaten dugunari?**

Nik uste dut gero eta okerrago jaten dugula; aurrez prestatutako janari asko erosten dugu, eta horiek koipe asko izaten dute, gatzarekin gehiegi... Garai baten, norberaren amaren kroketak ziren onenak; orain, denoi gustatzen zaigu berdinak, denok berdinak erosten ditugu eta. Arazoa da denok presaka bizi garela eta

*"Batez ere, entsaladak eta pasta prestatzen ikasiko dugu ikastaro honetan"*

sukaldean ibiltzeko denbora oso laburra izaten dugula.

**Eman iezaguzu menu egoki bat, udako jatordu baterako.**

*"Denok presaka bizi gara, eta sukaldean ibiltzeko ez dugu behar besteko denborarik izaten"*

Hasteko, tomatea hegaluzez beteta; ondoren, muxarra labean eginda, eta postrean, frutekin egindako gelatina bat.

## KULTURA

## Herriko bi irudi Andra Mariaren erakusketan

AINTZANE IRIZAR

**Donostiako Elizbarrutiak Erdi Aroko eta Pizkunde garaiko Andra Mariaren 40 irudi bildu ditu, eta Donostian duen museoan jarri ditu ikusgai. Horietako bi irudi Antzuolatik eraman dituzte: bata, parrokiatik; bestea, berriz, Antiguako ermitatik.**

Donostiako Elizbarrutiak Erdi Aroko eta Pizkunde garaiko Andra Mariaren 40 irudi bildu ditu, eta Donostian Elizbarrutiak duen museoan jarri dituzte ikusgai. Ekainaren 6ra arte egongo da zabalik erakusketa. 10:00etatik 13:00etara eta 17:00etatik 19:00etara egongo da zabalik erakusketa.

## ANTIGUAKO ETA PARROKIAKO

Gipuzkoako hamaika herritako irudiak jarri dituzte ikusgai Elizbarrutiaren museoan, tartean, Antzuolatik eramandako bi irudi: bata, Antiguako ermitakoa; bestea, Errukizko Amaren parrokiakoa.


XIV. mendekoak dira bi irudiok, gotiko estilokoak. Anti-

guakoak metro bat pasatxo dauka eta parrokiakoa zertxobait txikiagoa da. Errukizko Amaren parrokiatik eraman dutena elizara sartu eta ezkerrean dagoen aldarean egoten dena da. Jatorriz, baina, dagoeneko desagertuta dagoen San Bartolome basilikakoa da Andra Maria hori.

## SANTA AGEDAKO ANTIGUARA

Antiguako ermitan hutsune handia laga du Andra Mariak; hutsune hori betetzeko, eta erakusketak irauten duen bitartean, Santa Ageda ermitako Santa Anaren irudia eraman dute Antiguako ermitara. Gainera, Antiguako ermitan, urtero bezala, bi meza esango dituzte maiatzean, eta ezkontza bat ere egongo da. Aldaketa hori egiteko, Galartzako auzotarrei baimena eskatu zitzaizen eta hauek baiezkota eman zuten.

Gogoratu behar dugu orain dela urte batzuk lapurtu egin zutela Santa Anaren irudia eta orain dela gutxi azaldu zela. Orain, arreta handiz zaintzen dute irudia auzotarrek.



INIGO RAMIREZ DE OKARIZ

Ezkerrean, parrokiako Andra Mariaren irudia; ezkerrean, Antiguakoa.

## HERRITARREN HITZA / Fernando Lete · Elkarrizketa

## 25 urte

**A**biada handian joaten dira urteak; gezurra dirudi 25 urte pasa direnik, baina hala da. Trantsizio garai hartan, hamaika lagunek gogotsu eta ilusioz beterik ekin genion udaletxeko ibilbide berriari.

Sei EAJkoak (Pako Legorburu, Tomas Jauregi, Eliseo Garcia, Jose Luis Ena, Mateo Aranguren eta Jose Mari Kortabarria), Antzuolako Ezker Abertzaleak Jose Luis Arregi, Jose Angel Zabalo eta Fernando Lete, EMK-LKItik Jose Luis Zabalo eta PSOEtik Agustin Cabo.

23 urterekin, udaletxeko zinegotzi gazteena nintzen, eta

gaztetasunaren indarra neraman nirekin. Laster konturatu nintzen kanpotik gauzak errazago ikusten direla barrutik baino. Pako Legorburu alkate izendatuz, lau urteko lanari kementsu ekin genion. Batzordeak banatu ondoren, Kultura, Jaiak eta Irakaskuntzako partaide izan nintzen, eta esan dezaket esperientzia oso positiboa izan zela; bereziki gogoratzen



**"Trantsizio garaian, gogotsu eta ilusioz beterik ekin genion ibilbide berriari"**

ziren. Oroimen eta aipamen berezia Angel Murgiondo zena-

dut irakaskuntzan egin zen lan esker-garria; garai hartan bi eskola zeuden, Herri Eskola eta Ikastola, eta aurrera biderik ez zen ikusten bakarra egin ez ezker. Prozesua zaila izan arren, aurrera egin zuen; guraso, irakasle, udaletxe eta herritarren mobilizazio ugariaren ondoren, eskakizunak lortu

rentzat. Bere lan esker-garriatik, esan dezaket, baita ere, orokorrean, diru iturri gutxi eduki arren, lau urte haietan udaletxeak proiektu garrantzitsu batzuk aurrera eraman zituela: udaletxea berritzea, kolektorea, mediku etxea, frontoia, futbol zelaia... Hauetako batzuk aurreko legealdian hasitakoak ziren.

Bukatzeo, besarkada handi bat luzatu nahi diet lau urte haiek konpartitu zutenei, bereziki, gaur gure artean ez dagoen Agustin Caboren senitartekoei, eta gogoratu, Isidro Deunaren egunean zita bat daukagula.

## KIROLA

## PARTIDUAK

## FUTBOLA

Maiatzak 8  
17:00: Antzuola-Landetxa (Gazteak)  
Maiatzak 9  
17:30: Antzuola-Lengokoak (2. erreg.)

## EMAITZAK

## FUTBOLA

Behobia 1 Antzuola 7 (Gazteak)  
Antzuola 0 Elgoibar 1 (Neskak)

## PILOTA

Deba Arroko Txapelketa  
Olalde-Eskoriatza (eskuz nag.) . . . 22-20  
Olalde-Eskoriatza (eskuz kad.) . . . 22-8  
Elgetako Lau t'erdiko Txapelketa  
Mendizabal-Etxeberria (kad.) . . . 22-0